

**Uunga siunnersuut: Suliffissarsiuussinermut, ilitsersuinnermut piginnaangorsaanermullu sullissiviit pillugit Inatsisartut inatsisaat nr. xx, yy 2015.**  
(Inuussutissarsiornermut, Suliffeqarnermut Niuernermullu Naalakkersuisoq)

### **Akissuteqaat**

(Inuussutissarsiornermut, Suliffeqarnermut Niuernermullu Naalakkersuisoq)

### **Pingajussaaneerineq**

Naalakkersuisut sinnerlugit matumuuna Suliffissarsiuussinermut, ilitsersuinnermut piginnaangorsaanermullu sullissiviit pillugit inatsisissatut siunnersuutip pingajussaaneerneqarneranut atatillugu nuannaarutigaa siunnersuummut tapersersuineq, tamanna isumaqassamat suliffissaaleqisut amerlanerusut suliffeqalernissamat aqutissiuunneqarsinnaalissasut.

Naalakkersuisut aamma Inuussutissarsiornermut ataatsimiititaliaq qutsaviginiarpaat siunnersuutip aappassaaneerneqarneranut atatillugu isumaliutissiissutaat pillugu, tassani tusarniaavigineqartunut tunngatillugu apeqqutit assigiinngitsut erseqqissumik qulaajaavigineqarmata.

Inuussutissarsiornermut ataatsimiititaliaq aamma siunnersuutip pingajussaaneerneqarnissaanut atatillugu isumaliutissiissuteqarpoq. Isumaliutissiissummi ataatsimiititaliami ikinnerussuteqartut kissaatigaat kommuninik aqutsinnermut inatsimmut atatillugu ajornartorsiutaasinnaasut qulaajaavigineqartariaqartut.

Naalakkersuisut misissorsimavaat siunnersuutip aamma kommuninik aqutsinnermut inatsisip akornanni imminnut assortuuttoqarsinnaanersoq, Naalakkersuisullu erseqqissaatigissavaat siunnersuut inatsisinut tunngaviummik aalajangiisuusunut naapertuuttumik suliaasoq.

Kommunit namminersortumik ingerlatsinerisa aamma Namminersorlutik Oqartussat ingerlatsinerisa akornanni pissutsit naammaginartumik allaaserineqarsimapput Inuussutissarsiornermut ataatsimiititaliap siunnersuutip aappassaaneerneqarnissaanut atatillugu isumaliutissiissutaani. Inuussutissarsiornermut ataatsimiititaliap tamatumunnga atatillugu innersuuppaa danskit finansministeriaqarfiata naqitaliaa, tassani ersimmat inatsisiliortut kommunini atugassarititaasunik aqqqissuussisassasut.

Naalakkersuisut kissaatigaat erseqqissaatigissallugu siunnersuutip akuersissutigineqarnissaa pingaaruteqaqimmat, innuttaasut nunatsinni sumiluunniit assigiimmik sullinneqarsinnaanerat eqqarsaatigalugu. Siunnersuutikkut taamaasilluni isumannaarniarneqarpoq suliffissaaleqisut suliffeqalertarnissaat, aammalu inuusuttut suliffissarsiortut pisariaqartumik siunnersorneqartarnissaat isumannaarneqartassasoq.

Taamatut oqaaseqarluta Naalakkersuisut siunnersuut Inatsisartunut suliassanngortissavaat.